



KOMUNIKADO PA PRENSA

Fecha

17 oktober 2013

Account Manager

Jhanirha Anita

Email

jhanirha.anita@gobiernu.cw

Nr.

MINISTER BALBORDA TA KONSTATÁ KONSTRUKSHONNAN ILEGAL NA KLEIN KÒRSOU

Willemstad – Dia 15 di oktober último, un delegashon di Ministerio di Tráfiko, Transporte i Planifikashon Urbano bou di enkargo di Minister Balborda a hasi un kòntrol na Klein Kòrsou pa averiguá sierto desaroyonan ku ta tumando lugá riba e isla.

Na yegada di e delegashon, kual a konsisti di amtenarnan di Servisio pa Planifikashon Urbano (antes DROV) i di Domeinbeheer, a bin konstatá ku tin sierto konstrukshonnan ku ta den un mal estado.

Tambe a konstatá ku tin konstrukshon ilegal ta tumando lugá riba Klein Kòrsou. Esun responsabel no tin un pèrmit pa konstrukshon pa por hasi e trabounan. Pa e motibu ei e amtenarnan di Servisio pa Planifikashon Urbano a tuma kontakto ku e propietario pa notifik'é ku tur trabou di konstrukshon mester para. A splik'é tambe di e pasonan ku e mester kana pa yega na un pèrmit.

E propietario mester entrega un petishon pa bini na remarke pa un pèrmit di konstrukshon. Servisio pa Planifikashon Urbano lo evaluá e petishon aki a base di nos leinan di konstrukshon vigente, esta e 'Eilandelijk Ontwikkelings Plan' (EOP) i tambe e 'Bouw en Woning Verordening' (BWV).

Klein Kòrsou ta kai den destinashon di 'Open Land' segun e 'Eilandelijk Ontwikkelings Plan' (EOP). E ta un area ku ta reservá pa desaroyonan den futuro.

Minister Balborda ta hasi un apelashon na un i tur pa kana e kaminda korekto i pidi un pèrmit pa konstrukshon serka e Servisio pa Planifikashon Urbano na Plasa Horacio Hoyer 19 na momentu ku ke konstruí algu.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook 'Earl W. Balborda, Minister VVRP'.